

Uccâ meerânieidâš

Motomin meerâ čienġalummoos pääihist pajanij suálui mast lâi meerâ kunâgâs lanneviäsu. Ton seeinij lijjii ruopsâdeh ja káttu lâi siilbâst. Siskiipeln viäsu lâi uáli muččâd. Tobbeen lijjii hirmâd mučis räasih já maanġáláván kyeleh. Kunâgâs lâi luholâš, ko sust lijjii kuttâ nieidâ já nuorâmus lâi vala hirmâd muččâd já liäġus.

Uccâ meerânieidâš jurdâččij manġii, et eennâm alne ličij vissâsávt suotâs orroodġ. Sun smietâi magarehsun ulmuuh láá, maggaarsun peeivi päštim lii já mon ivnâsihsun alme já räasih láá, main ákku lâi sunjin mainâstâm. Já te ko meerânieidâ lâi kuttânuválov ihâsâš, te ákku eedâi: "Tääl lii äigi puáttâm."

"Tääl tun lah nuvvt puáris, et puávtáh uáiniđ, maht ulmuuh eellih eennâm aln. Väälđi taam uáivičiiġâ, tot addel vyeimi tunjin, vâi peesah čäâsi uáiván." Luholâžžân uccâ meerânieidâš vuolġij tubdâmettumis elimân. Ko sun pajanij aleláá, te čäâci lâi ennuv lieġġâsub. Kivkked sun lâi aai BÁs čäâsi uáivist já vuámmâšij ovddiipel purġâskárbá. Tobbeen lâi nuorâ kunâgâs kandâ. Sun movtâskij. Mut te vuámmâšij, et te šoodâi korrâ pieġġâ, já vuoi kárbâsâš riävu.

Ko koskâstij, te talle meerânieidâ ooinij
kunâgâspäärni koččâmin meerân. Sun vuojâi
kunâgâspäärni kuuvl já tollij suu uáivi čääsi
paajaapeln já tuálvui suu torvolávt riidon. Já ko
meerânieidâ ooinij suu muáđuid, te talle sun
kivkked rähistui kunâgâspáárnán. Siämmást
tohon pottii nuorâ ulmuuh já meerânieidâ
puohčâlij čääsi vuál. Ohtâ nuorâ nieidâin poodij
kunâgâspäärni kuuvl.

Te tállân kunâgâspärni
lehâstij čolmijdis já ooinij
mučis piälušteijes.
Uccâ meerânieidâš addij, et ij
kunâgâspärni kuáassin puáđi tiettiđ,
kii suu tuođálávt lâi piäluštâm.

Meerânieidâ čiäruu já puohčâlij meerâ poonán.
Maŋeláá sun laavij eelliđ togo kuus sun lâi
kunâgâspäärni kuáđđâm. Motomin sun
smiättá:"Tääl mun tarbâšâm vuáŋŋáš išseen."
Vuáŋŋáš iätá: "Puávtám adeliđ tunjin nissoon
häämi, mutâ mun vááđám tast, et tun adelah
munjin mučis jienâd já et tun jieh kuáassin mäati
sárnuđ." Uccâ meerânieidâš lâi miedâvâš toos.
Sun pajanij enâmân já lâi mučis nissoonolmooš.

Já ko meerânieidâ lâi nuuvt
muččâd, te kunâgâspärni liykkui

hirmâdâvt sunjin. Mutâ
kunâgâspärni lâi jo lopedâttâm
naaijâđ toin, kii lâi suu
piäluštâm. Sun kii ij máttâm
sárnuđ, ij puáhtám mainâstid
tuodâ. Sun tuše jurdâččij: "Must
ij innig lah tuáivu. Jiem lah
innig meerânieidâ, jiemge mun
innig eennâm alne pyevti leđe
luholâš. Tiäđám tuše et nuáidi
peht puávtáččim oppeet leđe
meerânieidâ.

Mutâ talle mun kolgâččim koddeđ tom kiän
enâmus rähistâm. Maht puávtáččim väldid jiegâ
sust kiäs ohtii lam tom adelâm?" Uccâ
meerânieidâš keejâi vala ohtii kunâgâspáárnán,
mutâ sun jo cummelušâi káálgus. Talle
meerânieidâ leggistij viärjus enâmân, njuškij jieš
meerân já moonâi oppeet meerâ poonán. Sun
tuubdâi, et sun kulá čääsi vuálá ige oolâ.